



## REPUBLIKA Y'U RWANDA MINISITERI Y'UBUZIMA

### **Amakuru Mashya kuri Koronavirusi COVID-19 — 19 Werurwe 2020**

Uyu muni nta murwayi mushya wa Koronavirusi waagaragaye mu bipimo byafashwe. Ibi bikaba byatumye umubare w'abarwaye Koronavirusi mu Rwanda uguma kuri 11.

Abarwayi bose baravurirwa ahantu habugenewe. Hanashakishijwe abantu bose bahuye nabo kugira ngo nabo basuzumwe ndetse bitabweho n'inzego z'ubuzima.

Nk'uko bisanzwe, abagenzi bose banyura ku kibuga cy'indege mpuzamahanga cya Kigali bagaragaza ibimenyetso bya Koronavirusi barashyirwa mu kato mu gihe cy'iminsi 14. Abandi bagenzi bose, harimo n'abageze mu Rwanda mu byumweru bibiri (2) bishize baributswe kwishyira mu kato mu gihe cy'iminsi 14 guhera igihe bagereye mu Rwanda, hakurikizwa amabwiriza Minisiteri y'Ubuzima.

Nk'uko byatangajwe ejo, hahagaritswe ingendo z'indege ziva cyangwa zijya mu Rwanda, harimo na RwandAir. Ibi bizatangira gukurikizwa guhera ku wa gatanu tariki ya 20 Werurwe 2020 i saa tanu na mirongo itanu n'icyenda z'ijoro (23:59). Izi ngamba zizamara igihe cy'iminsi 30. Indege zitwara imizigo n'izikora ibikorwa by'ubutabazi zizakomeza gukora.

**Abaturarwanda bose barasabwa gukomeza kwitwararika, bakurikiza amabwiriza y'inzego z'ubuzima hibandwa cyane cyane ku gukaraba intoki, kwirinda kujya ahantu hateraniye abantu benshi hashyirwamo intera hagati y'abantu (byibura metero imwe) no kwirinda ingendo zitari ngombwa.**

Igihe cy'ibyumweru bibiri (2) cy'ifungwa ry'amashuri n'insengero gishobora kongerwa ndetse kigashyirwa no ku zindi nzego bitewe n'uko icyorezo kigenda gifata intera.

Ibimenyetso by'ingenzi bya Koronavirusi ni inkorora, guhumeka bigoranye n'umuriro. Umuntu wese ugaragaza ibi bimenyetso asabwe kwihutira guhamagara umurongo utishyurwa 114, akoreheza email kuri [callcenter@rbc.gov.rw](mailto:callcenter@rbc.gov.rw), akohereza ubutumwa bwa WhatsApp kuri +250 788 20 20 80 (cyangwa +250 781 75 30 12), cyangwa akitabaza umujyanama w'ubuzima umwegereye.



**MINISITERI Y'UBUZIMA**

[www.moh.gov.rw](http://www.moh.gov.rw)